

東華續錄

同治朝

卷八十七至九十一

第五冊

同治東華續錄八十七

臣張式恭恭校 臣王先謙敬編

九月乙丑左宗棠奏據劉錦棠黃萬友稟金積正北蔡家橋一帶渠之東有開闢卡於河西半里許迤西而北連東南爲長

外引蔡渠馬連渠之水爲壕環之官軍非奪蔡橋水口不能徑薄金積也六月二十八日會同金運昌馬步馳奏渠列陣

扼蔡橋水口立營正部署開金積蔡塢渠各寨賊傾巢而出官軍前隊屹立待戰後隊趕緊修壘午後賊爭水口益力

滿案令何作霖蕭章開譚拔萃等步隊悉銳向賊寨猛進從督余虎恩熊有常周雲祥譚上連副將郭宗儀等馬隊橫截而

山敗賊膽膽入寨官軍壓迫至金積西北寨相而還日晡羣賊分營駐之蔡橋水口既得可以扼蔡渠之要而沿壕賊卡尙多

七月初四日三鼓劉錦棠潛師夜起令軍士攜草束衝過賊卡越壕而進行抵賊壕卡賊驚覺拚死拒敵官軍擲草填壕而過

就地築壘分屬步兩支左右鈔出護砌礮臺適金積東南各角羣四起賊黨分布寨邊相戰迫漸集漸聚官軍始分數路突

起衝殺賊賊向金積東關竄遁其敗走不速及誤入官軍陣中者悉就戮焉初五日黎明賊仍備出營見金運昌所部出隊恐

其後乃藉入寨中官軍會合踏毀長壕數十丈分營駐壕內而還兩戰劉錦棠一軍斃賊約六七百名弁勇陣亡七名受傷

三十六名劉錦棠察看形勢毗連蔡橋之渠圍壘西有小徑蔡東爲蔡家寨皆潰大河可急攻而下初七日約金運昌馬步

各攜攻具前往南抵蔡渠之北渠圍金積援賊廣至劉錦棠令一隊鈔過何家寨北指賊之背軍功董福祥張俊李雙喜等當

左路何作霖蕭章開陶定昇王承贊等當右路自率提督易致一譚拔萃周國勝喻執益步軍直薄寨下合馬隊併力夾攻適

余虎恩等已挑驍卒先登步軍繼之冒輒石彈鎗掘堡腳一鼓拔之察家寨賊見鄰寨已破慌向大何家寨遁走劉錦棠縱馬

鈔殺一面督步軍乘機奪寨門而入斬逆目何登榜及賊眾五百餘石渠圍金積援賊見兩寨齊破星竄而遁劉錦棠一軍陣

亡十一名受傷五十三名逆首馬化澂以蔡橋既失小何家寨蔡家寨又經攻克畏官軍個攻愈緊復於卡西築隄隔水旁濫

以阻官軍劉錦棠約金運昌急剿之初八日黎明官軍馬步向蔡橋涉金積渠壘渠圍各堡之賊排列堡前及渠邊北金

運昌率隊循渠堰而進劉錦棠率隊一列渠南一列渠北騎賊已鈔過北岸之右步賊繼至副都統龔壽余虎恩等躍馬砍陣

立斬騎賊多名各路馬步一齊猛撲賊且卻且前鏖戰兩時官軍銳氣百倍馬步賊大敗狂奔而西官軍從各寨礮石中還賊

猛追刺斃盡斃之賊無數初十日會剿渠圍堡北之麥壘攻周家寨寨垂破矣忽金積蔡塢大股悍賊來援劉錦棠金運昌揮

軍擊之挫斬三百餘名收隊而還十一日五鼓肅永南洞沿渠而下攻王洪寨金運昌列隊蔡西劉錦棠列隊蔡南雙喜馬

隊伏寨東廣堡官軍放開花礮子連落寨內馬步賊千數百齊出東門與雙喜相持分股馳奔北而西抗拒金

昌令軍士向西南佯敗誘賊一面約劉錦棠派隊鈔擊之賊果出隊遠追距寨約四里許劉錦棠分遣馬步橫山兩金運昌轉旗突擊賊之尾股沿寨腳遁入北門前股三百餘名無一脫者難時雙壽正牽制東面之賊劉錦棠益以八昇等步隊斃賊甚夥總計初八初十二等日共斃賊一千三百餘名生擒三十七名十二日之戰據賊供王洪義等逃王賜已經官軍手刺墜斃伏誅矣各戰劉錦棠一軍并勇陣亡二十七名受傷一百六十名自賊復築隄於禁橋卡西官軍隨時疏濬而積潦縱橫仍礙馳驟十三日辰後劉錦棠金運昌會商各營既指過賊壕應扼示賊隄偏水反灌遂傳令步軍由東南斃水進隊立營金運昌率所部進左劉錦棠進右布置甫定賊沿途開槍抗拒劉錦棠令各路隊伍奮威衝殺賊望風先潰官軍上隄即礮礮一面分隊嚴陣以待金積泰塲各賊果傾巢而出金運昌所部當左路劉錦棠率所部當右兩路待賊將近以槍礮測準輪轟回原敗而復前者十數次悍黨中槍斃者已不可數矣尙排隊遙相牽綴劉錦棠金運昌催三成隊併力修壘餘仍列隊如故薄暮賊復糾大股悍黨偏何作霖蕭章開陣前各戰各營奮威壓勦直薄金積卡前賊拋擲械滿地奪路鼠竄是役斃賊以千數百計據擒賊供是日馬化澁賊陳回余彥陳林馬老五馬長順馬必政沙學賢馬政國各選擇賊與官軍決死戰圍奪同長隄不料連戰連敗也訊畢斬之四日晨成就隄決水反灌金積西北該回復築隄禦之十六十七兩日劉錦棠合雙壽隊伍割環圍迤西麥苗零散賊黨護救官軍均擒斬連日之戰劉錦棠一軍并勇陣亡二十九名受傷一百零九名金積東南爲馬運渠從前誤呼爲波浪渠渠上新築一壘馬化澁派偽參領金嶺嶺其中與官軍板橋營壘相抗之十二日五鼓劉錦棠率步隊六營徑擣其中一壘寨令陶定昇致中伏壯士於壘前高梁叢中黎明賊開壁飲牲畜伏起壯士奔左壘其越牆不及之賊二百餘名聚而藏之賊壘中援出短兵相接斃賊數名餘黨紛紛墮牆而下輕騎將趙彰照連截狂助進目王屬力抗官軍者也據生擒賊供金嶺嶺抗拒一軍已中槍死馬兆圖即馬八條之子並陝回頭目馬長春初八日禁橋之戰均斃於陣矣劉錦棠以中壘既克乘勝攻左右二壘面金積各堡援賊大至遂約金運昌合隊攻壘加調馬步隊伍擊援賊追騎賊從東面鈔來官軍正持滿而發銳不可當賊敗退步賊復衝近左壘合勢穩抗維時金運昌之兵通破右壘士氣益盛劉錦棠令各路乘機撲左壘而馬步援賊復傍壘死抗雙壽余虎恩等縱馬衝突步軍繼之當者辟易援賊雖敗壘賊猶拒不動官軍截其去路一面整隊小憩調開花礮攻炸彈轟入壘中賊始亂各併力撲上克之乘勝進馬運渠之李花橋距金積東南正南一二里將大小賊卡十一所極口踏設險賊有突向已肅中營堡者有奔向正東漢伯堡者日曛

船搶渡者有越山狂奔者官軍僅受傷六名而已嗣是兵扼河西而峽口之賊從龍王廟渡入塔往來納家墾王家各回堡之路以斷雷正緒等布置後路防務揮隊進牛頭山偏峽口而驅徐文秀各營亦先後踵至會師牛頭山賊見官軍雲集連日堅壁不出意在待險死守二十二日黃州約陳廣發馮南斌兵進唐渠口令各軍從牛頭山進是日馮南斌等偵得股逆賊劫糧廣武歸將乘夜出入塔偷渡峽口即伏兵八塔山溝以待二鼓逆賊絡繹而至伏起盡殲之擒生賊周闊兒楊長林據供獲同頭目馬四子自哈喇湖攜糧歸至此不料忽遇官軍馬四子中破落河而斃二十四日辰刻雷正緒黃州會攻峽口徐占彪隊伍南近賊壘賊開壁迎敵徐占彪率總兵陳春萬等朱麟亭各營應戰正酣金積進西各堡之賊絡繹來援黃州率提督黃有忠總兵何玉超黃虎臣陳攀仙趙興隆遊擊李洪超李登高等扼牛頭山右截之雷正緒徐文秀各軍爲策應併力將援賊擊敗轉旆期峽口之賊賊敗退河岸陳廣發馮南斌列陣對河槍礮排轟賊兩面受敵遁伏壘中徐占彪之兵驅殺入壘徐文秀率總兵蕭寶林遊擊陳綽高糧之破賊壘二座餘三壘爲雷正緒圍定邦各營所克殘賊東還黃州派隊截之無一漏網五壘悍賊千數百名盡斃剩斃淨盡生擒賊供逆目王大閑丁逢翔馬紀成均斃壘中矣是晚復有河西接濟賊糧逆回來入塔口呼渡尚不知峽口已爲官軍所奪也陳廣發馮南斌潛起掩之盡獲其輜重二十五六七日金積各堡馬步賊數千復爭水口均經各軍擊敗斬斬計自七月初十至二十七日斃悍賊二千餘名官軍并勇傷亡百餘名峽口既得秦漢馬連三渠之首皆爲官軍據二十八日金積馬步賊萬餘憑漢渠列隊古靈州城謀常家灘丁家堡同眾於漢渠達秦渠之處築卡潛濠以抗雷正緒黃州會商必先奪古靈州城破賊寨卡而後可長驅逼金積西門三十日徐文秀徐占彪越漢渠立營賊潛伏不出懸一放槍申刻壘成徐占彪帶勇士攜火器星夜襲賊卡破之乘勝擒人古靈州城賊狂號亂竄棄壘而奔八月初一日黎明河賊沿山包裹而來步賊分股伏漢渠隄下大股排列渠岸雷正緒飛隊擊馬賊緣山右進徐文秀各營進中路擊步賊黃州率大支人馬橫列步賊之左分兵傍渠布陣防伏賊部署既定副將李廣珠遊擊陳天壽都司熊祥麟驍馬突陣與馬賊相持總兵劉治均外委吳元璋張兩翼猛鈔之賊敗而復前雷正緒正揮刀督戰徐文秀隊伍一齊撲上馬賊不支治逃步賊盡起挺矛直前黃州督徐占彪馮南斌等橫貫賊陣縱橫盡決賊大敗歸巢屍骸枕藉各軍薄暮收隊初二日官軍步隊佔古靈州乾渠一帶馬隊向賊壘外卡挑戰連騎賊百餘出巢一陣雷正緒整隊壓剿而前忽遇大股悍賊從廢堡中衝出執銳不支黃州徐文秀立督各營將賊擊退徐占彪復率隊從乾渠內繞賊之後兩面夾攻賊大潰初三日五鼓黃州令徐占彪選壯士直撲賊卡賊自夢中驚起倉皇狂遁官軍遂追逼賊

蒙守讓之賊不敢抵拒爭入丁寨堡官軍賊堡根卡內微雨注未能驅克徐占彪即扼賊卡而營雷正緒列隊遠外用槍礮更番仰轟徐文秀營遂擊鄧增外委楊得高李勝忠施放後腔開花大礮炸彈飛落卡中雷者立碎各營乘勢一躍而入登賊卡中賊無一脫者堡賊猶憑牆排立以拒官軍黃祖遣各營繞漢渠出秦渠中空之地築壘斷金積積徐文秀仍連開後腔大礮子穿牆而過堡中賊眾慌亂遂突圍而出將伴趨金積堡雷正緒徐文秀催隊從堡牆缺口躍入遇賊即砍殺敵無遺其先逸出之賊黃鼎派徐占彪黃有忠朱蘭亭等起雲等挺矛以待得脫免者十餘騎而已擒生賊常惶供本係靈州廣生同治二年陷入金積者馬化龍以丁家堡地形扼要喚逆子馬耀邦馬健邦等領悍賊駐守初二等日南賊悍目楊自得即楊大娃子及關成丁永等均經官軍斬逆子馬耀邦等敗走洪樂堡初三日丁家堡破逆目丁一剛伏誅堡內開壁遁者遂孫馬進孝也初四日官軍乘全勝之勢分路攻勦連克金積西路漢渠內外五六里小堡二十餘座擊賊連風拔摩官軍徑備洪樂堡未下徐文秀徐占彪所部作長圍困之黃鼎率馬步攻洪樂堡金積仍出悍賊應援官軍奮威衝殺斃賊極多日暮收隊連日各戰斃賊三千有奇生擒五十餘名各軍傷亡弁勇二百餘名初八日洪樂堡之賊黃鼎所部營官何玉超李洪超幫辦李全貴督帶增傷益血戰矣維路此次進兵未及一月連破堡寨數十座直抵金積老巢其得勢猶在峽口數戰此關一開賊在掌握非黃鼎堅持成算布置之詳赴機之速諸將士進攻之猛未易殫此見計金積西門外僅存者洪樂四堡馬家三堡丁家三堡見飭雷正緒黃祖會同劉錦棠金運昌相機圍之 上諭軍機大臣等北路劉錦棠等各軍進俱金積老巢屢次大獲勝仗奪取蔡橋水口並過賊寨立營乘勝攻克小何家寨蔡家寨等處賊巢大股披賊屢經擊敗踴躍金積附近賊卡十餘處官軍圍賊而營金積王洪胡家各堡聲息不通河西通昌通黃賊糧亦斷正可乘此破竹之勢迅拔堅巢將馬化龍及著名各逆目悉數擒斬以竟全功中路雷正緒等各軍又將張恩壘峽口奪開連克金積西路各卡壘險要既得賊勢更蹙金積西門外僅存洪樂等數堡左宗棠已飭雷正緒黃祖會同劉錦棠金運昌相機進剿自不難一律廓清見在中北兩路官軍業已聲勢聯絡合力大舉機極爲順利金積已成孤立斷難久支賊軍雖欲延魚謀不能再施詭計是在該大臣妥爲調度迅奏膚功以慰虛懷將此由六百里諭令知之○于甘肅陣亡副將趙聯輝保奏世職○丁卯以江北酒船阻滯諭丁寶楨速籌轉運○諭左宗棠籌濟成祿軍餉○戊辰諭軍機大臣等劉錦棠等經奏收復新興州城見籌辦情形並提督馬如龍等勤勞疊受餉銀各摺片雲南新興州城久被逆回占據經提督馬如龍督兵進剿斷其糧路連破玉枕山灰寨及附城逆壘多處四面偏攻賊勢逆境無敵當將州城克復逆回等

均已獲獲正法剿辦尙爲得手惟就撫降軍多係建水河西所屬之館驛東潯難民該二處尙未肅清難以分遣同鄉馬如
 龍見已派員清查戶口令該難民等暫居州城並於城內及後裕鄉等處派兵駐紮即著該管等飭令在事員弁隨時緝獲
 彈壓妥善善後事宜以期漢回相安免致另生枝節與化既克自應速期東潯館驛等處迅速肅清如能因傷發回省調
 治先派都司王正坤等現取東潯館驛該提督當趕緊調理痊愈即時前往督剿以資得力收復新興出力人員俟東潯館
 驛肅清案請獎至馬如龍連年勦匪均能身臨戰陣奮勇圖功深堪嘉獎此次進剿新興於湖南撥餉未到時復籌墊餉
 銀三萬兩海關全大局敵愾同仇著發去白玉翎管一支白玉徽省一箇火鐮一把大荷包一對小荷包兩箇交提督肅
 領以示優異將此由五百里各諭令知之○于雲南陣亡遊擊馮勝標祭葬世職○已已諭軍機大臣等前據閩省奏已
 革天津府縣已於八月二十八日押解起程至今尙未到期該員等見抵通州張光藻因病未能前進著閩省王楷
 吉即行派員前赴通州將張光藻劉傑刻即解送刑部不准藉端遷延將此各諭令知之○諭旨璧光奏川軍遇案牛場對
 省軍務緊迫請飭川楚兩省仍前進取各摺片川楚援黔應有平所今夏雨軍剿匪得手營壘相望聲息漸進督經諭令衆
 勝進取以竟全功何以唐炯當聲威正盛之時不候咨會不從接防還將全軍撤退致函匪勢復猖獗提督陳希祥以孤軍
 無援退紮貴定等處實屬貽誤事機著崇實吳棠查明該道撤退情形據實參奏留璧光摺內稱唐炯本擬移師楊老以圖
 下司分規都勻凱里續聞川省有裁撤安定果毅兩營之說已具稟聽候遣撤移紮平費就糧以待批示等語是崇實吳
 棠於疊次詳詳諱目並未實力奉行惟以節省餉需爲事屬不知緩急況近防不如遠剿援黔即以保川豈可移緩就急
 不顧大局仍著崇實吳棠嚴飭唐炯迅速進兵與楚黔各一聯絡聲援以收夾擊之效不得再涉遷延致干重咎見在秋氣
 已肅剿匪當機速前督飭將實田等軍仍前進取期與川兵勢成犄角迅奏廓清毋稍觀望留璧光身在黔撫責無旁貸
 著當督飭各營分剿上下兩路以與援軍會合緩靖嚴疆此由六百里各諭令知之○庚午諭軍機大臣等文碩奏邊境
 尼魯特人軍並密陳巴彥特古斯親望情形各摺片前因尼魯特人軍欲回布倫托海經福濟約船牛羊銀兩令其折回
 令福濟迅飭巴彥特古斯等派員迎護並令奎昌等一體嚴密護送茲據文碩奏尼魯特人取兩月之久始至齊格里河一
 帶意欲盤踞度冬見接巴彥特古斯來文以布城難以安撫請示遵行意存觀望等語該人軍沿途逼問依然搶掠至應受
 爲控取番臺昌文碩迅速將齊格里河一帶認真保護並請法將該人軍等暫示嚴懲毋令擾害地方文碩自請嚴懲之處
 著照所請寬免該尼魯特人軍應如何妥爲籌取俾就範圍之處著福濟酌量情形會同奎昌文碩妥籌辦理以靖邊疆

庚午續編

九年 九月

५

運行離營屆時仍著劉曜酌度奏聞劉曜所奏唐炳致席寶田函內有川省商酌中全撤川師月協餉五萬歸黔戶辦聞黔中意甚欣然等語黔省兵力豈能不須協助即敷勦辦理留璧光果允其議何以前奏又請飭催川軍唐炳所言恐非確實著留璧光詳細具奏戈鑑一軍出力員弁准劉曜先行酌保其餘各營出力人員著暫行存記俟攻克白洪快併案請獎將此由六百里各諭令知之○予貴州陣亡副將朱長林等祭葬世職○於西諭軍機大臣等魁玉奏覆陳番訊犯大概情形一摺張汶詳以漏網髮逆膽敢直入督署戕害重臣實屬罪大惡極該犯自知必遭極刑所供各情一味支離見難將該犯家屬率獲到案而何人主使尚未究出不足以成信據張之萬計已馳抵江甯即會同魁玉懷遵疊次諭旨督飭司道各員設法根究務將因何起意行兇及受人指使各情一一究出盡法懲辦以申國憲至督署重地竟容闖入出入毫無覺察是日守門官役魁玉是否提問何以未據奏及時金彪一名已由山西解到新市鎮軍犯既與張汶詳平日來往亦當密擊到案從旁引證或可究出真情並著魁玉張之萬多方研訊務得確實情形毋稍含混將此由五百里各諭令知之○諭左宗棠穆圖善奏西路馬隊官兵剿賊續勝一摺甘省西路迎匪在松山等處及平番古浪各縣屬四出搶掠經委營總額爾慶額及代理統領常明等帶隊分路截擊殲斃多名剿辦尚屬奮勇惟省西一帶零星匪股出沒靡常若不痛加剿洗誠恐伺隙紛擾大為糧路之患著左宗棠穆圖善督飭各軍於平番等縣屬將各股匪眾實力痛剿務期淨絕根株以清糧路將此由五百里各諭令知之○甲戌諭內閣前因天津府知府張光藻天津縣知縣劉傑於民敏起釁一案事前疏於防範事後又不能迅速獲犯當經降旨革職交刑部治罪嗣經曾國藩等取具親供並將革員等押解到部茲據刑部奏請按照刁民滋事地方文職不能彈壓撫恤革職例上從重擬以發往軍臺效力並以案情重大應如何從重改發之處請旨等語該府縣責任地方乃於洋民聚眾滋事不能設法防範致匪徒乘機焚殺戕害多命又未將兇犯趕緊拿獲情節較重且該革員等於奉旨交刑部治罪後張光藻竟敢私往順德劉傑亦私往密雲任意逗留九屬範玩張光藻劉傑均著從重改發黑龍江效力贖罪以示懲儆至洋民因懷疑激忿不遵地方官彈壓輒敢逞兇殺害至二十餘命之多且將其仁慈堂內貧女慘殺尤為兇殘見經曾國藩等率獲滋事人犯審明分別情節輕重將滿子等十五犯擬以正法小鍾王五等二十一犯擬以軍徒既屬情真罪當即照所擬將滿子等即行處決小鍾王五等分別發配安置經此次嚴辦之後各直省地方官務當曉諭居民安分守法毋任再滋事端遇有中外交涉事件並須按照條約和平妥辦總期中外商民彼此相安以靖地方○諭軍機大臣等前據曾國藩等奏天津案內應行正法各犯當諭令俟刑部議奏張光藻等罪名時再降諭旨本日刑部奏遵議張光藻等罪

棠劉岷務當懷遠疊次諭旨安速籌辦以維全局總須飭令各軍彼此聯絡策應立於不敗之地斷不可意存畛域各懷觀望致誤戎機儻不以大局爲重進止不齊以致日久糜餉老師無成效定將統兵各員從嚴懲治即該督撫等亦不能辭咎也督璧光身任黔撫實無旁貸亦當督飭黔軍力圖進剿不得專恃援軍自甘頹靡貴州欽案未結崇實著仍遵九月初七日諭旨前赴遵義會辦趕緊結案將此由六百里各諭令知之○允崇實奏留丁憂提督陳希祥幫辦軍務○撥直隸河南山東旗租地丁銀各三萬兩備永定河工需○辛巳諭軍機大臣等曾國藩奏遵旨赴任兩江總督請見並請將主事陳蘭彬帶至江南暨續獲正犯范泳擬即換釋穆巴各摺片穆巴一犯等語既未的確何以前奏遽擬死罪著即日釋放以盡人命其續獲之范泳既屬供證確鑿爲放火燒房正兇著照該督等所請歸案正法曾國藩接奉此旨即著將應辦各事據遵九月十五日諭旨迅速辦理毋再稽延曾國藩即著來京陛見該督起身後李鴻章著仍駐天津勿違回省務將彈壓撫綏各事宜妥爲籌辦俟津郡中外諸事大定再行請旨主事陳蘭彬著准由曾國藩帶往江南差遣費用將此由六百里各諭令知之○壬午諭軍機大臣等金順奏同匪竄擾西山歸德溝等處分隊剿辦獲一摺陝回賊首張志沅糾眾至西山邊之歸德溝一帶南北同堡潛出賊騎附合意圖阻劫糧道經托雲佈等督軍進剿賊遂大潰該匪情急反噬再戰於空湖拉地方復經我軍殺斃百餘名敗匪越嶺而遁著金順會同張曜督飭派出各軍將逃匪餘匪搜捕淨盡務絕根株肅清受侮衛戍是否肅清著查明實在下落毋任漏網南北兩路同堡見大殲陸續到營益疑賊糾集死灰自任在軍中金順務當與張曜悉心籌畫嚴密布置一俟陣位運齊即著奮力進攻迅速肅清賊匪王家驥莊賊匪前曾乞撫恐不可恃見在籌辦情形並著隨時奏聞將此由六百里各諭令知之○諭劉嶽昭等魏英奏官軍攻克漢江城外賊巢一摺漢江府城緊鄰城外分築土城石礮負隅抗拒經岑毓英親督各軍進剿疊將西山村西街子及上下左所等處賊巢攻克城四面賊營一律毀平勒辦甚爲得手見在僅餘孤城外援已絕釜底游魂諒難久延殘喘岑毓英見已回省辦理關務漢江既經合圍斷不可稍涉鬆勁著劉嶽昭岑毓英飭令岑毓英等合力圍攻迅圖克復將此由五百里各諭令知之○甲申諭軍機大臣等當明阿等奏查出軍營無著官兵各缺請由原旗撥放一摺各省節年徵調吉林官兵傷亡病故各遺缺見在當明阿等查明各路軍營實有吉林官兵二千六百十二員名數與遺缺數計無著防禦二員雲騎尉一員兵缺六百六十三分此項空缺既係軍營存管兩無著落願缺豈可久懸即著照該將軍等所擬准其由吉林原旗撥放以資補用而免懸額○諭陝甘回匪滋事以來朝廷軫念西陲大申捷仗特令左宗棠爲欽差大臣督兵剿賊厚集兵力寬予限期計

每歲撥用餉銀不下八百餘萬兩該大臣於行軍籌餉事宜有所陳奏無不立見施行倚畀不爲不重乃自抵甘以來雖據
疊報勝仗總未南痛喘賊氛致金積堡一隅之地至今日久未下逆首稽誅軍務安有了期竭東南數省脂膏以供西征軍
實似此年復一年費此鉅帑豈能日久支持該大臣捫心自問其何以對朝廷即著左宗棠振刷精神嚴檄各軍實力勦辦
該大臣前奏金積堡賊勢已蹙似不日即可攻克北路肅清後河狄一帶賊蹤亦宜以次肅除務當剋期蕪事毋得再事遷
延致干咎戾將此由六百里諭令知之○以錢寶廉爲內閣學士

由少詹事

○乙酉諭內閣文祥奏病體未痊力難兼顧懇請

開除緊要差使一摺文祥管理事務較多見在病體未痊兼顧爲難自應量予體恤著毋庸管理藩院園子監及嚮導處
事務並開去對引大臣閱兵大臣各差使以節勞動○諭富明阿奏舊病增劇懇准開缺回旗一摺吉林將軍富明阿自道
光年間由馬甲從征喀什噶爾隨後轉戰江西南河南等處戰功卓著歷任甯古塔副都統江甯將軍皆資得力因剿賊受傷
兩次奏請開缺均經恩准並賞食全俸俾資調理旋於同治五年間命補授吉林將軍督勦馬賊自抵任以來於整頓地方
搜捕賊匪各事宜辦理悉臻妥協茲因傷病復發懇請開缺回旗覽奏情詞懇切出於至誠自當俯如所請富明阿著准其
開缺回旗調理仍准在旗支食將軍全俸所在任內革職留任處分均著加恩寬免應扣未繳俸銀一併免其扣交以示體
恤○諭軍機大臣等前據伯彥納謨祜奏請調馬隊以備不虞當諭理藩院傳知東三盟各調馬隊一千名並調吉林黑龍
江馬隊均赴古北口一帶駐紮茲據李鴻章奏稱酌度時勢古北口一帶不必駐紮重兵擬請撤回以節餉需等語此項馬
隊全數到口籌撥餉項甚鉅見既酌度情形無需兵力即著照李鴻章所請所有前調東三盟馬隊著全數撤回並著理藩
院傳知該盟蒙古王公迅將各隊撤回遊牧仍隨時操練以備征討其吉林黑龍江馬隊共三千名據富明阿毓福德英先
後奏報起程因思神機營每年本有調撥該處官兵更換操防之事此項官兵是否可以就近調撥著神機營王大臣酌議
具奏該官兵已否全抵古北口著李鴻章庫克吉泰飭令暫行駐紮候諭旨應需餉項仍著庫克吉泰嚴實支放將此諭
知神機營理藩院伯彥納謨祜並由五百里諭令李鴻章富明阿德英庫克吉泰毓福知之○丙戌諭軍機大臣等左宗棠

穆爾善奏西路官軍剿匪獲勝一摺甘肅西路回匪分竄鎮番武威各屬經韓廷芝王仁和等帶兵截剿將紅柳橋紅橋兒
等處賊匪擊敗柳林湖雙城堡等處之賊聞風逃竄其阿千鎮附近亦有回匪圍攻民堡復經周惟邦帶隊擊退見在大兵
由南路進剿河州逆匪乘西路空虛伺間紛竄肆行搶掠意圖牽我兵力左宗棠穆爾善仍當飭令該處防軍隨時探蹤截
剿毋任竄突穆爾善另摺奏請帶馬隊馳赴近畿等語見在天津之事業經辦結裁編兵力足資拱衛該將軍駐紮蘭州籌

辦防剿亦關緊要務當與左宗棠隨時會商其維大局所請帶兵來京之處著毋庸議前疊諭左宗棠將成祿一軍應否撤同酌覈奏聞該大臣何以久不覆奏恐不可解本日據成祿奏見擬拔營西進並請募勇撥糧捐辦旋隻籌辦屯田隨帶實型出關各摺片該提督頓兵日久忽為此鋪張揚厲之舉事之可行與否恐未必能通盤籌畫著左宗棠懷遵疊次諭旨將成祿一軍應否撤回並該提督此次所陳各情一併酌駁迅速覆奏不得再有遲延成祿摺一件片五件均著鈔給左宗棠閱看將此由六百里各諭令知之○諭成祿奏拔營西進並籌辦屯田調募勇隊請飭蒙古捐辦旋復關外州縣運解倉糧隨帶實型出關及請頒發關防各摺片前因成祿奏該營餉需缺乏當經諭令暫緩前進俟論旨見在該提督已於八月二十日起程惟該提督一經出關道路愈遠籌餉愈難著成祿仍遵前諭無論行抵何處即於關內地方擇要暫行駐紮候旨遵行肅州一帶伏莽尚多關內地方尤關緊要著成祿統率所部將來往匪徒實力搜捕務絕根株該提督所用木質關防見已模糊即著另行刊刻木質關防以昭信守將此由六百里諭令知之○丁亥諭軍機大臣等奎昌奏查勘塔城界址牌博完竣並見籌辦情形各摺片俄國與塔城分界處所建立牌博見經奎昌會同俄官續行查明自察漢鄂博起至哈巴爾阿蘇山嶺止其立牌博六處連前所立四處均與同治三年原定條約相符業已繪圖換約辦理尚為妥速惟見在塔城未復附近地方別無臺卡此次立界之後俄人能否常守條約不復侵占內地仍當隨時偵察以保無虞即著福清等按黑龍江所擬咨會霍博克賽里之土爾扈特親王車林拉布坦扎薩克拉特那巴扎爾圖布欣克什克三旗轉飭各該旗官弁隨時留心稽查如俄人因思時已久復有侵占情事即行知會福清等隨時與之理論竭力攔阻不得因循廢弛俟塔城克復仍照舊章兩國派員會查以符定制將此由六百里各諭令知之○戊子賞普濟堂功德林賑米八百石○己丑子甘肅陣亡總兵官許吉祥祭葬世職○辛卯諭軍機大臣等前因天津民教敗壞疊諭沿江沿海各省督撫嚴密設防見在天津一案業已辦理就緒不可因此案完竣即暫防務於不問近來內外臣工往往遇事觀望急非不盡心竭力以期共挽時艱而泄沓成風未事之先於一切戰守章程類皆紙上空談以致遇有緩急不足恃追事過之後則又因循思已平苟且因循為目前偷安之計事事有名無實何時可冀自強耶朝廷宵旰焦勞憂國切著沿江沿海各省將軍督撫大臣振刷精神將戰守機宜認真講求以備不虞至各省武備廢弛已極綠營習氣尤深並著各將軍督撫大臣破除情面認真整頓以期一兵得一兵之用經此次訓諭後務當實事求是嚴密設防毋再視為具文至各省民教交涉事件亦應處處持平不可專顧一面若地方官操縱合宜剛柔互濟自可消患未形若各直省將軍督撫府尹於所屬州縣地方官務須選擇有風

骨而又通曉時務之員遇教士非分之求不得曲爲遷就遇條約應辦之事亦當妥爲撫綏庶中外相信不至再滋事端將此各諭令知之○左宗棠奏劉錦棠軍進駐金積東南李花橋金運昌軍進駐正北蔡橋七月初十日三鼓金運昌派隊襲秦渠迤北賊卡提督方庭芝所部直薄卡前參將董布亮王廣越遊擊何文繼暨梯先登士卒繼之守賊驚覺憑牆死拒守備龔心明鈔過卡西築包圍洛卡內火起數丈燒斃卡賊多名各營從卡北乘機撲入克之西南秦壩關丁韓各寨賊出援經金運昌督總兵張懷玉副將王化成高得勝等分路截擊均敗遁回巢初一日黎明金運昌之軍攻正西韓寨賊毗連韓寨二小壘賊登時驚潰提督王鳳鳴馬隊掩之河干擒斬過半乘勝越秦渠衝入西南各賊卡弁勇奮厲無前遇賊即砍守賊紛紛鼠竄是時劉錦棠合雙壽隊伍擊賊李花橋西將散布各莊內外賊眾一律殲除正會同金運昌馬步併力蹙追剿見金積堡突出悍賊應援官軍頓旗待之援賊賊敗賊合勢回撲劉錦棠當左路金運昌當右路擇隊奮擊賊大潰劉錦棠縱馬步躍過馬連渠金運昌之兵躍近金積西北寨根克秦渠水口兩賊卡而還是役共斃賊千三百餘名生擒賊九十餘名奪槍械三四十餘件弁勇陣亡二十名受傷至一百九十九名初二日劉錦棠金運昌會商綠營蔡橋秦壩關之西突擊次非合力攻拔不能得薄秦壩關也比令馬步進隊賊見官軍雲集棄壘狂遁雙壽余虎恩等縱馬蹙殺秦壩關之西突擊賊數百劉錦棠整隊截之賊所擒生賊知即中路黃鼎諸軍自古靈州剿敗東奔者嗣是各軍日割刈秦壩關一帶秋稼賊蹤伏不出初四夜金運昌率提督宋朝如張懷玉選壯士攜鎗鎗襲秦壩關堡迤西之大河家寨環攻至初五日黎明金運昌按隊稍憩力扼東南壘門賊從堡內擊小竄遁出西北官軍伴爲不知俟賊出漸多縱馬步足鈔之得脫免者無幾軍士乘勢劈寨門而入見守賊之經槍斃者屍骸枕藉據生賊供述自何一會已伏誅堡內矣同時劉錦棠雙壽出隊越山水溝搶劫胡家堡之麥王洪等寨出悍賊救護官軍亦有斬賊劉錦棠回營得中路各軍徑侵洪樂堡之信即繞赴雷正綰黃鼎營中會商不先奪秦壩關無以聯絡西北官軍營壘而斷馬家灘接濟金積賊糧之路十二日劉錦棠金運昌雙壽所部直搗秦壩關金積賊眾悉銳抗拒官軍分中左右三路綠營秦渠直上奮攻衝擊密蘇牙刺賊勢披靡官軍馬步緊蹙至秦壩關西南近石屹塔黃鼎雷正綰徐文秀整隊接應賊狂奔四散劉錦棠連環收隊賊復糾馬步同撲二里許提督陶定昇譚拔萃易致中喻執益周國勝等合雙壽馬隊勇戰後賊不敢近復撲金運昌隊伍金運昌沿波浪渠返旆而西與劉錦棠所部夾擊之賊奔回金積而秦壩關仍未下計各戰轟斃刺斃之賊七百有奇據生賊供陳同余彥祿之弟儒副帥余彥喜十二日與官軍戰敗而復前中破洛馬斃於陣連日官軍弁勇陣亡六名受傷九十餘名劉錦棠七月二十七日築壘

金積堡逆逆首馬化澂畏官軍之逼復於堡東添築卡壘嚇驚死拒十三日黎明徐文秀派遊擊鄧增等帶後膛開花大礮螺絲礮合劉錦棠雙壽馬步進攻南抵賊壘金積援賊傾巢而出劉錦棠分兵列陣堵之專用大礮攻壘壘牆洞穿賊眾稍亂軍士直傳壘前擲草填壕而上守賊木石齊下援賊亦合勢撲來提督蕭章開何什霖等督隊擊援賊敗之雙壽余虎恩軍功董福祥馬步旋踏平壘北賊卡提督李占椿李雲貴陶定昇易致中乘勝率弁勇緣壘牆瞰賊眼猛附而登守賊拚拒格鬪逾時乃悉就戮據生賊供官軍大礮子落壘中斃傷賊數十名眾懼思遁馬化澂三次傳令堅守逆目楊洪杰梁惠一亦死拒不退壘破始伏誅訊畢斬之立派隊駐其壘十四日金積賊巢悉眾撲犯經官軍田雞劈山礮竟日環轟而退十七日劉錦棠赴黃鼎徐文秀營中計事見金積堡賊出排列西北三里許比乘調步隊分兩路進剿雙壽率營總吳俊花良阿合余虎恩等馬隊爲左右翼盛戰正酣金運昌聞礮聲大震率隊踵至併力壓剿賊大敗歸巢各戰斃賊七百數十名生擒三十餘名官軍弁勇陣亡三十六名受傷一百四十六名金積堡東門迤北統呼爲東關別摩麟次去歲官軍大捷吳忠堡時陝回眷屬盡徙居關內關外築堅寨料築甬道護之自十三日到錦棠所部連破賊壘進駐之後距東關賊寨僅百步十七夜劉錦棠合軍士衝枚襲之寨賊驚覺鳴角放槍金積悍賊奮起抗敵劉錦棠伏兵寨西南護築礮壘以大枝隊伍擊援賊火器併發夜明如晝相持至五鼓援賊悉數敗遁而礮壘亦成劉錦棠選銳卒攻寨間以開花礮測準轟之十八日天明金運昌隊伍齊至聲勢益壯午初寨牆經大礮轟裂守賊慌亂軍士乘機猛進克其外卡遂從寨牆缺口躍入拔之寨中包裹無數小寨守賊自量不支或墜牆而下或開壁狂奔雙壽余虎恩何作霖等正攔途遮截金積各寨之賊復冒死來援金運昌令提督尹興茂等力扼之援賊縮退到錦棠催隊躡各小寨敗賊跟蹤搶入東關關內賊眾憑街口死鬪軍士短兵巷戰馬隊鈔過東關之北賊眾失指乃護眷循金積寨東狂遁而南輜重拋棄滿道官軍立將關外寨卡二十三座次第踏毀焚關內鋪屋三四千所十九日調陝回護逆眷敗踞金積南門牆根與正南李花橋迤西賊寨爲犄角二十日黎明劉錦棠金運昌雙壽會師進剿行過李花橋陝甘逆眾膽寒集各莊寨排列官軍步隊分數路布壘陣如牆而進馬隊稍取遠勢鈔之衝敵里許步賊仍返旆死拒騎賊亦下馬回撲蓋陝回方護眷從西門放礮悍黨漸後也何作霖方庭芝花良阿等揮刀砍陣斃悍賊多名賊始敗潰軍士乘勢攻拔各寨卡自是金積東南北三面壘穴堵平劉錦棠壓東關而壘俯瞰金積老巢各戰共斃陝甘回逆四千有奇生擒三百九十餘名轉斬逆目馬萬成馬雲程馬占德馬玉整余老二陳喜等連日各軍其陣亡二百名受傷至六百九十七名之多攻堅血戰之苦如此中路雷正綰黃鼎徐文秀諸軍自八月初四日連克金積西路

漢渠內外賊寨徑偏洪樂堡賊黨連日增築卡壘於田家橋石屹塔與老馬家丁家各堡聯成一片爲堅護洪樂死抗官軍之計洪樂堡者逆首馬化潯祖墳所在俗傳風水有異者也雷正緒黃鼎會商必先破老馬家各堡而後可專攻洪樂初八日徐文秀合提督徐占彪總兵陳春萬蕭賓林參將朱蘭亭所部合圍老馬家堡攻一晝一夜連放後膛開花大礮堡牆轟裂丈餘軍士乘機猛撲平其外壕守賊憑堡放槍力扼堡牆缺口相持至初九日洪樂各堡賊眾遽起赴援黃鼎督總兵何玉超黃虎臣遊擊李登高等從米姑寺一帶徑襲洪樂之虛雷正緒督總兵劉治均副將李廣珠遊擊陳天壽外委吳元璋馬步隨後策應洪樂援賊見官軍直搗其巢悉入堡內拒守總兵陳攀仙趙興隆隊伍跟蹤躡殺何玉超等繼之隙見金積塵氛大起援賊兩路鈔來洪樂堡敗賊亦回頭死闘槍礮三面對轟各營勢幾不支黃鼎急令黃虎臣率隊橫貫賊陣接應趙興隆遊擊楊寶由之兵雷正緒令馬隊下馬持矛合步軍併力衝殺徐文秀亦派遊擊陳錦高部眾從老馬家之旁截援賊右路各軍士奮威壓勦賊眾大潰鼠竄歸巢老馬家堡之賊見外援已絕堡寨垂危勢甚慌亂徐文秀蕭賓林執旗先登徐占彪等一齊躍上拔之盡殲堡賊無一脫者初十日天明各軍進石屹塔平賊壘三座就地剷刈秋稼殆盡徐文秀率隊駐之自是傍秦渠沿黃流迤北達金運昌營壘聲息以通十二日金積秦壘各堡賊眾紛紛東竄雷正緒黃鼎徐文秀方督所部分道攔截石屹塔一帶適劉錦棠金運昌大隊自東壓勦而西兩面鈔擊斬賊極多十三日黃鼎派提督黃有忠偪田家橋賊壘而營十六日各軍併力攻之黃鼎徐文秀列隊防援賊雷正緒一軍爲前驅黃有忠護大礮對賊壘緊轟裂其牆垣雷正緒督李廣珠陳天壽千總胡起雲一齊躍入立拔其壘守賊有墮牆遁者官軍正內外鈔殺金積洪樂各堡大股援賊層至矣黃鼎督徐占彪等擊洪樂之賊徐文秀督副將彭清和等擊金積之賊屢戰逾時蕭賓林躍馬砍陣軍士競奮短兵相接銳不可當兩路援賊大潰黃鼎揮軍士撲田家橋毗連各賊壘陳春萬黃有忠黃志元帶隊平壕冒險力攻克之十七日黃鼎進軍田家橋馬化潯復遣其弟馬玉濬陝回西彌頭目普洱馬阿洪仍赴黃鼎軍前哀詞乞撫黃鼎諭令先繳馬械毀平堡寨馬化潯求官軍暫退峽口黃鼎不許連日金積堡外賊眾悉趨西門其向滾泉巖山竄遁者黃鼎令駐韋州滾泉馬家河灣各軍截之疊有擒斬二十三日派徐占彪潛師夜起搗洪樂堡前兩小堡拔之斃悍賊二百餘名通計八月初八至二十三日各戰擒斬賊數近三千名破老馬家堡時新逆目馬伏瀆克田家橋賊壘時逆目馬洪智伏誅官軍其傷亡二百數十名見接各營探稟九月初二日洪樂堡已經中路官軍克復賊悉敗遁金積堡容俟續報復調記名提督王衍慶帶親兵解運大礮前往助剿冀可迅速肅事又奏幫辦湘軍軍務頭品頂戴記名提督瑚松額巴圖魯黃萬友由湖南

湘鄉勇丁從征轉戰各省蕩平髮捻各逆積功洵保今職上年秋間劉松山率師度隴派黃萬友率步隊五營分駐甯條梁安邊定邊花馬池一帶轉運糧餉軍火時因逆被剿分竄擾劫連遭該提督不辭勞瘁設法飛輓卒保無虞九月間劉松山因前敵攻剿喫緊檄率所部助戰隨同克復靈州連破大小賊堡數十處迨劉松山由吳忠進規金積黃萬友駐軍靈州設賑濟輓流亡災民賴以全活本年正月劉松山陣亡劉錦棠奉旨總統全軍黃萬友幫辦軍務該提督悉心籌畫戰必身先疊著奇捷均經隨時陳奏不料操勞過度傷疾並發延於八月初七日在營次身故維黃萬友沈毅樸厚深得軍心茲值戎機順利而該提督一病不起實堪悵惜克復靈州案內擬為黃萬友奏請賞給正一品封典合無仰懇天恩賞給正一品封典照提督在軍營立功後病故例從優議卹加恩予諡並准附祀劉松山原籍及死事地方專祠以慰忠魂上諭金積堡踞匪於本年七月以來經左宗棠飭令劉錦棠等分路進攻次第克復西南西北東西賊寨並將金積堡東關攻破中路雷正綰等軍進剿西路賊匪立將洪樂堡攻克該逆悉敗退金積堡著左宗棠飭令提督王衍慶會同劉錦棠黃萬友各軍乘勝進攻迅速收復金積堡務將鼠竄賊匪悉數殲除不得久稽時日另片奏石成器裹眾潛逃畏罪自斃實足以昭顯戮在逃之翟占沅等係首先倡亂之犯該大臣務當飭令西路各軍及地方州縣嚴行緝拏務獲懲辦毋任漏網其管帶各員是否防範不力並著查明分別辦理唐有彥所部潰卒務飭黃武賢妥為安撫涼州永昌未潰之勇左宗棠已令肅宗幹等裁併實數統歸王仁和鈐制即著擇要分紮毋令滋生事端將此由六百里諭令知之○予甘肅軍營病故提督黃萬友祭葬世職並予諡陣亡總兵官趙昌元祭葬世職○壬辰以孟冬時享太廟上前期親詣行禮○諭軍機大臣等前任直隸提督劉銘傳治軍有律歷著戰功此次一聞宣召即兼程北來其忠勇報國之忱尤堪嘉尚覓在津案已結無須用武該提督年力正強豈可令其投閒置散因思李鴻章赴直時已率郭松林周盛傳所部全軍東來僅留譚仁芳五營駐紮西安此時甘軍剿匪正當緊要陝省兵力空虛深虞該匪竄突若令劉銘傳督辦陝西軍務旅旅西征不特陝境可得安全即甘軍亦可免後顧之慮似於大局較有裨益至楚軍與淮軍雖不相習而陝事甘事各有責成料不敢各存意見也著李鴻章斟酌機宜據實覆奏如劉銘傳於西事不甚相宜或於他省軍務可期辦理有效之處亦著妥籌具奏該提督已於昨日召見俟李鴻章覆奏到日即可明降諭旨其駐紮滄州及丁壽昌所帶銘軍已有一萬餘人加以駐紮直隸邊境之周盛傳郭松林等軍亦有一萬數千兵力較實不為少以有用之兵置之無事之地徒耗餉需若以百戰百捷之勇棄之不用可惜著李鴻章通籌全局或酌量直隸若干以資拱衛或撥給劉銘傳若干以資剿賊其餘各營應如何分地布置之處並著悉